

ERASOA

Dorreak suntsitu zituen erasoa telebistaz ikusten ari ziren Pentagonoko langilerik gehienak gertaeren unean

PENTAGONOA

Eraso honekin, munduko estaturik boteretsuenaren segurtasunaren sinboloa lausotzea lortu dute

gazkin komertzialetako bat izan zitekeela susmatzen zuten.

Eraikina uzteko agindua jaso zuten langileek eta Pentagonoko dokumenturik garrantzitsuenak hartu ostean aparkalekuan geratu ziren haietako gehienak. Erasoa ikara sortu zuen bertako langile eta turistaren artean, eta egun berean egiten zen hirugarren erasoa zela ikusirik Etxe Zuria, Estatu Departamentua, Kapitolioko eraikina eta inguruko ikastetxeak jendez hustu zituzten.

Armadaaren hegazkinak arreta bereziz zaindu zituzten eraikinaren gainerakoak, beste hegazkinen bat ager zitekeelakoan, baina ez zen horrelakorik gertatu.

Pentagonoan zenbait hildako izan zirela adierazi zuten bertako iturriek, zenbaki zehatz bat ematea ezinezkoa zela azaldu zuten arren. Anbulantziak joan-etorrian jardun ziren egun guztian zehar.

Harrotasuna zauriturik

Estatu Batuetako Indar Armatuaren kuartel nagusiaren eraikuntza 1943ko urtarrilaren 15ean amaitu zen. Proiektua mende hasierakoa zen, baina Franklin Rooseveltek, orduko EEBetako presidentea, agindu zuen hura eraikitzea 1941ean. 16 hilabete iraun zuten eraikuntza lanek eta Bigarren Mundu Gerra bitartean egin zen.

Pentagonoan, militar eta zibilaren artean, 23.000 pertsona inguruk egiten dute lan. Kilometro eta erdiko perimetroa du, eta horrek munduko bulego-erakin handiena bihurtzen du; hiri txiki bat bezalakoa da. Bost solairu ditu eta korridoreek 28 kilometroko luzera dute. 600.000 metro karratuko zabalera du eraikinak.

87 milioi dolar kostatu zitzaizkion Gobernuari eraiki zutenen. Gaur egungo Pentagonoaren aurrekontua 300.000 milioi dolarrekoa da.

Eraso honekin, munduko Estatuturik boteretsuenaren segurtasunaren sinboloa lausotzea lortu dute.



LUKE FRAZZA / FRANCE PRESS

Hegazkinak egindako erasoak kalte nabarmenak eragin zituen, eta urrutitik ikus zitekeen hautsezko lainoa sortu.

Estatu Batuetako segurtasunaren ikurrari eraso diote, Pentagonoari

Ustez hegazkin komertzial batek talka egin du eraikinaren hego-mendebaldean

URDURITASUNA

Kapitoliari eraso ziotelako zurrumurrua

Dorre bikiak guztiz suntsitu eta Pentagonoan kalte handiak eragin zituzten erasoaren ondoren Kapitolioko eraikina, CIArena, Etxe Zuria eta erasotzaileen jopuntu izan zitezkeen eraikin guztiak hutsik uztea erabaki zuten. Kapitolioko eraikineko bozgorailuek sute bat gertatu zela zioten, eta sirenek etengabe jarraitzen zuten jotzen. Kazetariak laster zabaldu zuten laugarren erasoa izan zitekeelako berria, baina hainbeste erasoaren ostean, urduritasunak eragindako alarma faltsua izan zela argitu zuten azkenean.



LUKE FRAZZA / FRANCE PRESS

Suhiltzaileak, polizia eta medikuak ahalegindu ziren Pentagonoko inguruetara normaltasuna ekartzen.

Erredakzioa | DONOSTIA

Dorre Bikiak suntsitu zituen erasoa telebistaz ikusten ari ziren Pentagonoko langilerik gehienak euren eraikina ere hegazkin batek jo zuenean. Ordu-bete eskas igaro zen lehenengo

erasotik beste hegazkin batek helikopteroek lur hartzeko erabiltzen zuten gunean jo zuen arte. Talkak eraikina zulatu eta kaltetzeaz gain, sutea ere sortu zuen Pentagonoaren zati batean, hego-mendebaldean hain zuen ere.

Agintariak ez zekiten, ziurtasun osoz, Pentagonoa jo zuen hegazkina zein motatakoa zen, baina erasoa bertatik bertara ikusi zuten lekukoek adierazi zuten ez zela oso hegazkin handia. Hargatik, gobernuak garrantzietako erabiltzen diren he-